

Cazva Gyaeundei Youq Henzsingz Namzningz Hoengghai

盛开在都市旁的民族奇葩

——Geiq Hongsaeh Ak Namzningz Si Luzdangz Minzczu Siujyoz

□ bonjbauq gicej Linz Nanz



▲ Gyoengq hagseng doeg siujyoz sat ndaej bizyez lo.

◀ Gangj gojgaeq Vahcuengh doxdax ndaej ciengi.



▲ Gyoengq yaucangj gij hag-dangz Cuengh Gun song saw vah wnq daeuj hagdangz cunzyawj.



▲ Yanghgangj gicej bae daengz hagdangz cunzcam hagseng.



▲ Geizguek nding swng hwnjdaej, caez laemxsim hagsib.



▲ Gyoengq lauxhangz sonsaw Gyahnazda daeuj hagdangz cunzyawj.



▲ Aen vwnzyidui hagdangz bae camgya vienjheiq doxdax ndaej ciengi.

Caeux couh dingqnyl Namzningz Si Luzdangz Minzczu Siujyoz youq Sawcuengh sonhag fuengmienh gig miz daegsaek. Geij ngoenz gonq, gou hozhaenz bae cunzcam cimhdamq goekgaen. Daj Namzningz sigih hwnjdin, yiengq baihaek Namz—Vuz ngeihgaep goengloh haici, samsib lai goengleix couh daengz Namzningz Si Hinghningz Gih Luzdangz Cunh, raen daengz Luzdangz Minzczu Siujyoz.

Luzdangz Minzczu Siujyoz youq 1956 nienz 8 nyied laebbanh, dangqnaj hagdangz miz 8 aen ban, gungh miz hagseng 191 boux, lauxsae habgek 17 boux, lij hwnj ndaej song doengh laeuzsonhag, menciz 1169 bingzfuengmij. Lai bi daeuj, youq Swcigih Gyauyuzdingh Minzczu Gyauyuzcu caeuq singzghig gyauyuzgiz nem gak gaep dangvejij cwngfuj sonyinx baihlaj, hagdangz aeu “hawj moix boux hagseng cungj ndaej daengz cungfaen fazcanj” guh banhhag leixniemh, cienzyiengz caeuq baujciz minzczu vwnzva, guh song saw vah sonhag, hawj sonhag cizlieng ndaej daengz mboujduenh daezsang, caemh aeundaej cingzcik maenhndei. 2008 nienz Yanghgangj Densidaiz daeuj cunzcam, 2011 nienz, Swcigih Gyauyuzdingh Minzczu Gyauyuzcu cujciz daengx gih song saw vah sonhag hagdangz yaucangj daengz hagdangz yawj-ngonz. 2013 nienz 3 nyied, Gyahnazda Aihdwzmungzdun Si Gyauyuzgiz cunzsim cujyin Cin-nizswah caeuq Ah’wjbwzdaz Dayoz Vujcouh gyausou caennang daengz hagdangz cunzyawj dingqgoq. 2014 nienz 5 nyied, hagdangz ndaej Swcigih ciengi hawj “minzczu vwnzva gyauyuz sifan hagdangz” cwnghueh. 2014 nienz ndaej Namzningz Hinghningz Gih bingzguh “hagdangz bingzan” cwnghueh.

Aen hagdangz neix lauxsae bouxboux rox Sawcuengh, bouxboux rox song saw vah sonhag, couh ndaej hawj sonhag caetliengh miz yauq guh ndei. Gij guhfap de dwg:

(1)Hagdangz ca ndei yozcenzban Sawcuengh yijvwnz goekdae sonhag. Daih’it, hagdangz ciuq lwngyez ngamq haeuj hag daegdiemj, gohyoz hablex bienbaiz hwnjdangz gocwnz. Daihngaih dwg dingh ndei sonhag muzbyauh, giethab vahbonjdieg sonhag Vahcuengh byauhcunj. Hagdangz yauhgiuz lauxsae ciuq caetliengh guh ndei, hawj hagseng ndaej “seiq rox”, rox sing yinh diuh gyoepyaem, daezsang hagseng nyinhdoeg naengzlig.

(2)Hagseng haeuj daengz it nienzgaep, daih’it yungh song aen singgeiz daeuj un Sawcuengh singmeh yinhmeh caeuq singdiuh, yienzhaeuh doenggvaq singmeh yinhmeh doegyaem caeuq Sawgun gyoepyaem guh gvilwd doxbeij, yungh Sawcuengh gyoepyaem daiq Sawgun gyoepyaem. Daj yozcenzban daengz it nienzgaep, hagseng hagsib caetliengh cungj ndaej daengz bienqvaq, song saw vah gyoepyaem cungj rox.

(3)Youq song saw vah doengz-seiz sonhag ndawde, gvancez saedhengz “aeu Cuengh guhcawj, Cuengh Gun giethab, aeu Cuengh coi Gun, Cuengh Gun cungj rox” cibroek cih fanghcin, fazveih gij youhsi Sawcuengh, haigvangq cihsiz mienh hawj hagseng rox. Song saw vah sonhag moix aen singgeiz cungj demgya hwnj song dangz. Youq sonhag hozdung ndawde, gvancez saedhengz “aeu hagseng guhcawj, lauxssae guh cijdauj, lienhguh baiz gaxgonq”, naek youq beizyangj hagseng doengh fwngz doengh bak doengh uk naengzlig, gyamaenh hagseng gij cihsiz hag rox de.

Hagdangz lingidauj moix hag-

geiz dingheiz roxnaeuz mbouj dingh geiz daengz bangaep dingq go 25 dangz doxhwnj, caemhcaiq caeuq lauxsae cunggez doxgyau hong sonhag. Gyaudaujcu nyinhcaen ca ndei sonhag guenjieix, doiq lauxsae sojmiz hong sonhag cungj guenj ndei. Daengz haggeiz gyang caeuq haggeiz satbyai cungj genjcaz hong sonhag guh ndaej baenzlawz yiengh, faensik sonhag cizlieng, daez ok cosih gajndeix.

Hagdangz laeb ndei aen duivuj lauxsae vwnzsoq cukgaeuq, suciz haemq sang ndeu, ndaej baujcwnz sonhag cizlieng mboujduenh daezsang. Lij gujli lauxsae doenggvaq mbouj doengz roenloh hagsib daezsang vwnzva conhyez suijbingz. Geij bi gvaqdaej, hagdangz miz 5 boux lauxsae ndaej bingz guh swcigih doihengz Sawcuengh bouxsenhcin, 2 boux ndaej bingz guh Namzningz Si youhsu sausenhdun fujdaujyenz, 3 boux ndaej bingz guh Namzningz Si minzczu doxgiet senhcin goyinz, lauxsae ndawde miz 40 vwnz (baez) ndaej bingz daengz sigaep doxhwnj cijdauj ciengi, miz 94 bien lunvwnz ndaej sigaep doxhwnj doxdax ciengi, miz 3 bien lunvwnz ndaej sou haeuj Gvangjsih Gyauyuzdingh bonj saw 《Cuengh Gun Song Vahsaw Lunvwnzciz》, miz 30 lai bien hagseng cozvwnz youq gwnz Gvangjsih Minzczu Bau fazbyauj.

Hagdangz yaucangj Vangz Yizlaiz cungmuenx saenqsim doiq gicej naeuz: Gyoengqdou yaek mboujduenh roengzrengz doihengz Sawcuengh sonhag cibroek cih fanghcin, cungfaen fazveih Sawcuengh youhsi, youq sonhag caetliengh gwnzde mboujduenh cunggez, daihdamj cauxmoq, hawj hagdangz caencingq banh baenz aen hagdangz yienghndei minzczu gyauyuz ndeu bae roengzrengz guh.